

## **I dere chaute Nacht**

Zyt vergeit u gah tuet nüt, weiss nid won i bi blibestah  
i chume nümme vom Fläck hie u chas grad nid verstah  
Irgendöppis geit nid uf, irgendöppis louft nid rund  
Mim Uhrwärrch fäut es Zahnrad u i gloub du bisch dr Grund

Aues won i dir no möcht säge, we du grad jitz würdsch vor mir stah  
u au di huufe Frage, won i e Antwort druf wett ha  
I stah alei a dere Hautsteu, wi ne seichnasse Schwamm  
u warte hie vergäbe, uf ds längscht verpasste letschte Tram

**Jitz won i di chönnt bruche, lasch du mi im Räge la stah  
u dr Bode unger mine Füess laht langsam la gah  
uf di, won i wett boue u i mi dranne fescht wett häbe,  
warten i i dere chaute Nacht vergäbe.**

De stig i haut i ds erschte Tram, e früeche Vogu faht dr Wurm  
Dr Tag erwachet, d Sunne grüesst u i ha langsam wieder warm  
Jitz nimis haut eso wis isch, o wen i mirs anders vorgsteut ha  
wöu irgendeinisch mues es wytergah u wär nid wott het gha

**Jitz won i di chönnt bruche, lasch du mi im Räge la stah  
u dr Bode unger mine Füess laht langsam la gah  
uf di, won i wett boue u i mi dranne fescht wett häbe,  
warten i i dere chaute Nacht vergäbe.**